

١٣- (فَلَا اقْتَحَمَ الْعَقَبَةَ ۖ وَمَا أَدْرَاكَ مَا الْعَقَبَةُ ۚ فَكُّ رَقَبَةٍ ۚ أَوْ إِطْعَامٌ فِي يَوْمٍ ذِي مَسْغَبَةٍ ۚ يَتِيمًا ذَا مَقْرَبَةٍ ۚ أَوْ مَسْكِينًا ذَا مَتْرَبَةٍ)

إليه هي العقبة إلهي مفروض نقتحمها ؟

وما أدراك ما العقبة .. فك رقبة ..

هي إليه العقبة ؟

هي (الأننا)

وما أدراك ما الأننا ؟!

الأننا .. هي أعظم عقبة تواجهك كإنسان

فكل فساد داخلك مصدره الأننا

كل صراع في عقلك وأفكارك مصدره الأننا

إقتحامك للعقبة وإنتصارك على الأننا .. هو تجردك من كل

مركزيه تبعد عن مركزية الله .

إزاي أنتصر على الأننا؟

-بالإستعانة بالأدوات إلهي ربنا أدهالك ..

-وبتتفيذ منهجه في إقتحام العقبة ..

إيه هي الأدوات ؟

الآيات إللي قبلها :

(أَلَمْ نَجْعَلْ لَهُ عَيْنَيْنِ . وَلِسَانًا وَشَفَتَيْنِ . وَهَدَيْنَاهُ النَّجْدَيْنِ)

(عينين .. لساناً .. شفيتين .. هدايتك للنجدين)

عينين : مش مجرد رؤية، وجودها لمشاهدة كل شيء حولك
ورصدّه .. تحت مركزية الله .. العين إللي تصل بك لعين
البصيره ..

لساناً : لسان يعني قول تتطّقه وقدره على التعبير والتواصل
.. وكل قول وراه نيه في عقلك وبعده فعل يتنفذ .

شفتين : أداه تحكّم في إنك تحتفظ بالقول قبل خروجه ،
ربنا مديك فرصة تانيه راجع نفسك مش كونها على لسانك
يعني تخرجها ..

الشفتين هما وسيلتك للمراجعة والصمت !

ما هو إنت .. نية + قول + فعل

النيه بتاعة ربنا .. أما القول وكل ما تتطقه هي لك أو عليك !

الكلمه يا بيحركها مركزية نفسك وأهواءك ، يا بيحركها
مركزية الله .. يا تترجم لأفعال ، يا كُبر مقتًا عند الله أن تقولوا
ما لا تفعلون !

الكلمة بتتحكم في مصيرك .. مع الله مع نفسك مع الآخر ..
تحكمت فيها الأهواء و مركزيتك وقوانينك هي(نفسك والآنا)
فده أكثر شيء يهدد إيمانك بالله وسلامك ..

وهديناه النجدين : النجد حرفيًا هو الطريق الوعر ..
ومعناها في الآيه .. طريقين الخير والشر ، وربنا هدالك معرفتهم
بفطرتك ، ووهبك الاختيار تختار ما بينهم ..

كل ده أدوات تملكها علشان تقتحم العقبة !

بانك تراقب ثلاث أشياء ..

(نواياك - أقوالك - أفعالك)

يعني بتراقب أحاسيسك .. مشاعرك .. إنفعالاتك .. أفكارك
.. معاملاتك .. مواجهاتك .. إختلافاتك

وترجع لهدايه إلی جواك (هديناه النجدين) .. الخير
والشر أو بمعنى ثاني تصنفه ..

أنا فكرت الفكرة دي ليه ؟ علشان مركزيتي ربنا ولا إنتصار
لذاتي .. إنفعالي ده ؟ متفاظ أوي ليه ؟ علشان أنتصر لذاتي وللأنا
بتاعتني ولا مركزيتي ربنا ؟

راقب نيه وقول وفعل بالأدوات إلهي ربنا مدهالك .. بالتدريب
هتقلل الأنا .. هتنتصر عليها هتقدر ساعتها تنفذ منهج الله
لإقتحام العقبه ..

إيه هو منهج الله في إقتحام العقبه ؟

(فَكُ رَقَبَةً ۝ أَوْ إِطْعَمٌ فِي يَوْمٍ ذِي مَسْغَبَةٍ ۝ يَتِيمًا ذَا
مَقْرَبَةٍ ۝ أَوْ مَسْكِينًا ذَا مَتْرَبَةٍ)

-فك سجن إنسان وتهب له الحريه

-تطعم الطعام للمحتاجين

-تتكفل يتيم وخاصة لوقريب

-تساعد فقير وتفق كربه

لو نفذت ده ..

ساعتها هتقدر تقتحم العقبه!

وما أدراك ما العقبه!

وهي فعلاً محتاجة إقتحام .. تكسير الأنا أكبر (عقبة) في

حياتك ومحتاجه (الكبَد) طول الوقت ..

إقتحمت العقبه .. يعني إنت بقيت حُر!

حُر ..متجرد من كل شيء .. مركزيتك الله .. مش عبد
لأهواءك .. مستغني بالله ..

مقوله لأحد الصالحين (ماذا يصنع بي أعدائي ،جنتي
وبستاني في صدري أينما ذهبت فهما معي ، سجنى خلوه، ونفسي
سياحه ،وقتلي شهاده)

